

02. november 2020

UKA2020/51

Erik Jensen

**Suliffeqanngitsunut matchgruppe 1-imiittunut erngerluni sulilersitsiniartarnek atorneqartalertuuppat aningaasaqarnikkut, allaffissornikkullu kingunerisassai misissorniarlugit nassuiaasiornissamut Naalakkersuisut peqquneqarnissaannik Inatsisartut aalajangiiffigisassaattut siunnersuut. Nassuiaat UKA2021-mi Inatsisartunut agguanneqassaaq. (Inatsisartunut ilaasortaq Simigaq Heilmann, Demokraatit)**

Siullermik Siumumiik Inatsisartuni ilaasortat Simigaq Heilmann Demokraatit siunnersuutaanut qujavugut imatullu Siumumiik oqaaseqarfigissallutigu:

Siumumiik nunnaarutigarpur ukiuni kingullerni suliffissaaleqisut appariartuinnaavissimanerat, naak coronap ajornartoortitsinera peqqutigalugu maanna tamanna allangulaarualartoq.

Ukiunimi kingullerni aningaasarsiorluttut siuariartorneq annertusiartuinnarsimavoq tamannalu annertuumik aalisarnikkut kiisalu sanaartornikkut annertuumik suliaqarnernik aallaaveqarpoq.

Assersuutigalugu taasinaavarput kisitsisit takussutissaqartimassuk 2014-imiit 2018-imut aasaanerani suliffissaaleqisut 48 procent-imik appariarsimasut. Nunattalu naatsorsueqqissaartarfiata suliffissarsiorlutik nalunaarsorsimasut pillugit kisitsisit saqqummersitai kingulliit malillugit 2020-imi september-i naanerani nunarput tamakkerlugu suliffissarsiorlutik nalunaarsimasut 1.615-isimasut. Naalakkersuisullu akissuteqaataanni aamma takusinnaallutigu inuit 868-it sulileriaannaallutik nalunaarsorneqarsimasut, taakkunanngalu inuit 323-it nunaqarfinni najugaqartuusut.

Naatsorsueqqissaartarfiullu kisitsisaatai aamma malillugit inuusuttut 2018-imi 16-it 25-illu akornanni ukiullit 32 procent-ii tassa inuusuttut 2.600 sinnerlugit suliffeqarfimmiinnatillu ilinniartoqarfiit arlaanninngitsut.

Kisitsisit tamakku soorunami assigiinngitsorpassuarneq peqquteqarput. Aamma oqaatigisariaqarparput uagut maani Inatsisartuni, Naalakkersuinikkut kommuneniillu nunatsinni sumiiffinni aaliangersimasuinnarni ineriartortitsisimagutta oqaannartoqqarsinnaanngilaq akunnerit imaak ikitsigisut iluanni sulilersimangippat taava pisortaniit ikiorsiissutaasartut unitsinneqartarlissasut. Tamanna pivusorsioruorunngilarput. Assersuutigisinnaavara ullumikkut Tasiilami nunaqarfiinilu katillugit inuit 324-it suliffissarsiorlutut nalunaarsorsimapput. Taava innuttaasut illoqarfimmilu suliffissanik plersitsivigisamatigit aamma inatsisitigit pisartagarisinnaasaat peertalrniarutsigit ila imaannaassanngesaaq. Taamaattumik Siumumiik tunngavilersuutit imarisaat assut apeqquserpagut, kisiannilu ugguuna paasinnilaarsinnaalluta,

inuit sulisinnaasut amerlanerpaat suliffeqalernissaat anguniarneqartariaqarmat arlaatigut tinneraanissaq pisariaqarsinnaasoq.

Siumumiik misissuinissap inernerisassaa qanoq imaqassanersoq takorlooruminaraluartoq isumaqarpugut siunnersuuteqartup qulequtarisaa aallaavigalugu suliassaq ataatsiisitaliami eqqartoqqinneqarnissaa pisariaqartoq.

Siumumiik siunnersuut Inatsisartuni ataatsimiisitaliami susassaqartumut ingerlateqqinneqarnissaa innersuussutigaarput.

Erik Jensen - Siumut